

NOW!!
FOR
COOLNESS
AIRCONDITIONING
Tel. 2170



ARUBAANSE COURANT



Diario pa Aruba



SWIFT

BALCHI

Sirbi cu salada, macaroni of batata,
ta forma un comida ideal. Agrega
e plato aki na bo lista di siman!

Agentes

Wimco

Anjo 25

DIAMARS 26 DI NOVEMBER 1963

No. 4802

GOBIERNO MERICANO TA PREOCUPA PA CONSECUENSIANAN DI MORTO DI OSWALD

President Johnson ta ordena investigacion profundo

WASHINGTON, 26 nov. — Den circulonan di go-
bierno Mericano noticia di e morto di Lee Oswald a causa
un shok grandi. Nan ta preocupa pa e consecuencia cu
e atentado aki par tin riba opinion mundial. Nan tin mie-
du, cu morto di Oswald lo causa un reaccion en cadena di
e duda, si esaki tabata enberdad e homber cu a mata
president.



LEE HARVEY OSWALD

Un boero di e ministerio Merica-
no di justicia na Washington a bisa
cu tin hopi indicacion fihó cu Oswald
ta e asesino di president Kennedy. Re-
cherchi federal lo continua e investi-
gacion aki cu masha prudencia. Ofi-
cial di justicia Henry Wade, a ordena
polis pa laga e asuntu Oswald por lo
pronto un banda pa sigi cu e asuntu
Ruby. Ruby su number berdadero ta
Rubinstein.

Nan a pone Ruby oficialmente den
estado di acusacion di morto prepara
dilatante riba Lee Harvey Oswald. Ruby
tambe a hanja un ola di telegram di
felicitation y hasta ayudo financiero.
Polis a interroga amigo y conocinan
di Ruby, entre cua Anne Goetz di
18 aña, cu segun nan ta bisa ta un
ballarina di strip tease.

Recherchi federal a manda un di
su funcionarionan alta pa Dallas. Es-
aki a laga haci un investigacion cerca
fotografianan cu ta traha den cabaret-
nan, en relacion cu rumornan cu nan
a mira Oswald den e cabaretnan di
Ruby. „Vegas Club” y „Caroussel
Club”. Hasta nan a bisa, cu Oswald
diahuebs tabata den un di e estable-
cimentunan aki. Ta cla, cu Ruby
ta masha conoci cerca polis na Dallas.
Na Dallas ta circula varios rumor. Se-
gun algun di nan Ruby ta un agente
comunista, cu mester a liquida Os-
wald prome cu el lo a traiciona nan.
Un otro rumor ta, cu Oswald ta
traha pa circulanon fanatico derechis-
ta reaccionario, despues cu el a re-
gresá Merca deceptacion di Rusia.

Situacion tenso na Dallas

Antayera nochí nan a manda refor-
za di polis pa Dallas en relacion cu e
situacion tenso den e ciudad, caminda
tin discusionnan y reunionnan riba
cuya. E organo „communist” Frances
„Humanité”, ta sigur, cu Lee Oswald

tabata su hopi p'esey nan mester a li-
quidá. Segun e correspondi di „Praw-
da” na New York, servicio di seguri-
dad di Casa Blanca mester a propone
suspension di e viahe di president
Kennedy na Texas, cu bisa riba e
ambiente ultra reaccionario, era na Tex-
as pa elementonan ultimamente de-
rechista. Tambe gobernador di Texas,
Connally, a sali pa Washington pa in-
fluencia e president di suspender su
viahe pa Texas, pasombrá por sosode
incidentenan desagradable. Envano ta-
bata tambe avisanon di Stevenson, re-
presentante di Meru den Nacionnan
Uni, cu un luna pasa tabata e blanco
di „elementonan malu di Dallas”, se-
gun e correspondi di Prawda cu a
agrega, cu hopi habitante di Dallas na
e motibu aki tabata mira e bishita di
e president na e ciudad aki cu hopi
miedu. „Chicago Sun Times” a scri-
bi cu Ruby ta para conozi na Chicago
como un hacido di desorden, un per-
sona cu ta rabia libe, y un vanidoso.
Den un noticia for di Dallas, di e
organo Italiano comunista „Unita”,
nan a bisa, cu tin dos pregunta: Nan
a mata Oswald pa evitá di revela un
secreto? Di con Ruby por a yega
asina cerca di Oswald?

Un abogado for di Dallas Derby, cu
a actua varios biaha como defensor
di Jack Ruby, a wordi avisa pa desco-
nocidonan di no haci esaki. Su casa
a participa, cu dos biaha a bel per-
sonanan cu ta papia Ingles malu cu
un acento stranhero, y cu a menaza
su casa. Segun senjora di e abogado
aki, un di e desconocidonan a bisa:
„Bo espos lo ta di siguiente cu lo
muri, si e tuma defensa di e asesino
di Oswald. Inmediatamente a sali pa
cas di e abogado polisman cu, apesar
di e amenazan y abogado a declara
di ta dispuesto pa actua como aboga-
do di Ruby.

Investigacion

Segun un noticia for di Washington
president Johnson a ordena rechechi
federal pa haci un investigacion pro-
fundo pa morto di Oswald. Asina mi-
nisterio Mericano a participa.
Capitan Will Fritz, cu tin direccion
di e investigacion policial rba morto
di Kennedy a participa, cu polis lo
sigi busca mas material di prueba, pero
cu nan a serra actualmente e asuntu
riba morto di president Kennedy. El
a bisa di ta conveni, cu nan a colec-
cioná asina tantu material di prueba
contra Oswald Lee cu esaki sin duda
lo a hin para riba silla electrica, si
nan no a tire mata. Capitan Fritz
a declara cu el a sinti e atentado, cu
a laga Oswald secura di justicia di
mundu. Esaki tabata un sla penoso
pé, segun e capitan.

Procurador general na Dallas a duna
un resumen di e material di prueba
reunon contra Lee Oswald. Di esaki
nos a saka lo siguiente:
Casa di Oswald a bisa polis cu su
casa tin un scopet den su poder. Te
diahuebs esaki tabata den eus, pero
diahierne el a desaparece.

Testigonan a declara cu Oswald ta
traha den e edificio for di cual nan
a los e tiro mortal riba e president.

E edificio ta un lugar caminda nan
ta warda boekin di school. Dia-
hierne Oswald a subi pa e seis piso
di e edificio.

Despues di e asesinato testigonan
a mira cu tabata sali for di bentana
di e seis piso di e edificio punta di
un scopet.

Testigonan a mira tambe cu un po-
lis a haci Oswald un senja, prome cu
esaki a alcanza e edificio caminda e
tin su enato. E polis yama Tippit,
a sali for di su auto y a bai cerca
Oswald. Esaki a los tres tiro riba
dje. Oswald a pasa den un terreno
bashi, a saca 3 cartucho bashi for di
su anua y a bolbe carga esaki, camin-
da el a drenta un theater despues.

Polis a drenta den e theater des-
pues cu watchman a yama atencion
di polis riba e conducta stranjo di un
bshitante. Nan a vende luz den sala

y polis a cuminsa investiga.

E polisman a hanja Oswald cu ta-
bata comorte masha stranjo. Os-
wald a dal un polis bhofta y a primi
su pistol contra eub di un otro po-
lis. E arma a falla. Seis polis a tene
y a hibe na e oficina central di polis.

Den e edificio caminda nan ta war-
da boeki di school polis a hanja un
cantidad di boeki y un scopet. A base
di e number nan a stipula cu ta trata
di un arma cu un empresa di entrega
a hiba pa Oswald. Un bala, cu nan
a hanja den auto di president Ken-
nedy a resulta di ta di e arma homi-
cida. E fingerprints y marca di man
riba e scopet, un cupa y un bida pap-
pel di pak for di cual probablen-
te e sospechoso a sinta como un pida
gafinja a resulta di ta identico di es-
nan di Oswald.

Oswald a keda desmenti di a mata
president Kennedy. Funcionarionan
altu di polis ta convenci cu Oswald
ta e asesino.

E hefe di polis na Dallas, Jesse Cur-
ry, kende ta hahando critico fuerte, pa-
sobra Oswald a worde asesina, mien-
tras cu e tabata bao di vigilancia di
su hombernan, a participa ayera, cu
e no tin intencion di pidi su retiro.

Mi a haci tur loke mi tabata por,
asina el a bisa. Departi di gobierno
municipal di Dallas a worde declara,
cu hasta si Curry entregra su retiro,
esey lo no worde acepta.

Raad ta hanja informacion unicamente di B.C.

ORANJESTAD, 26 november. —
Ariba pregunta di algun miembronan
di Eilandsraad si nan por hanja in-
formacion directamente di hefenan di
servicio di gobierno ora cu esaki ta
necesario, door di duna e hefenan aki
autorizacion pa tal cos, e B.C. a con-
testa, cu Raad por dirigi su mes cu
preguntanan pa cual nan lo hanja
conesta, unicamente cerca B.C., esta
loke ta trata di asuntunan di gobier-
no. „Pa motibunan di e politica di
gobierno no ta parse nos bon pa duna
hefenan di servicio tal autorizacion”,
segun B.C.



MENTHOL FRESH

RICH TOBACCO TASTE

MODERN FILTER TOO

Gran interes pa jubileo di Eilandssecretaris L. Kerstens

ORANJESTAD, 26 nov. — Gran interes tabatin ayera
atardi pa e jubileo di e secretaria di teritorio insular di Aru-
ba, senjor L. Kerstens, kende ayera a celebra e echa cu ta
25 anja pasa cu el a drenta servicio di gobierna, di cual
tempo majoria e tabata na Aruba y durante e ultimo 12
anjanan como secretario di e teritaria insular di Aruba.
Durante e ceremonia di ayera atardi diferente oradornan a
elogia senjor Kerstens especialmente pa e trabao cu el a
haci den e ultimo anjanan, cual trabaoonan tabata hunga
un parti importante den e desarolla di nas isla. No unica-
mente el a warda elogia como un ban ambtenaar pero cama
cu un persona cu den su trabao y pafar di su trabao semper
tabata cla pa yuda otro.

Con grandi e aprecio pa e trabao
di senjor Kerstens y su persona ta a
worde demostra ayera tardi. Na e
ceremonia tabata presente, Gezagh-
hebber O.S. Henriquez, deputadonan,
G. A. Oduber, A. Falcony, F. J.
Tromp, I.S. de Cuba y comandante
di marina G.C.J. Balthous. Tambe ta-
bata presente diferente hefenan di
departamentonan di e teritorio insu-
lar di Aruba, representantenan di Ei-
landsraad di e diferente fraccionnan,
representante di Lago T.F. Hagerty,
hefe di Colegio Arubano J. van Gom-
pel, coleganan y amigonan di e jubi-
lario. E promer orador di e atardi ta-
bata Gezaghhebber O. S. Henriquez,
kende for di tras di e mesa di B.C.
den e sala di Eilandsraad, sinia hun-
to cu e denudadonan, cu e jubilarío v
su senjora a dirigi palabran na senjor
Kerstens y na e presentenan. Den su
speech, senjor Henriquez a repasa e
carera di senjor Kerstens en corto
contando e diferente muestnan cu el
tabatin den servicio di gobierna.

Senjor Ludovic Cornelis Ma-
ria Kerstens a nace na anja 1914
na Hulanda, na luna di november
1938 el a yega Corsow como un
hoben di 24 anja pa traha den
servicio di gobierna. Dia 15 di jan-
uario 1939 pa di promer biaha e
ta yega Aruba, caminda e ta eu-
minza traha na Bestuurskantoor.
Na anja 1942 na luna di novem-
ber e ta bolbe Corsow eminda e
ta traha na e departamentu di se-
cretario general. Na anja 1946 e
ta worde nombra hefe di comities
y na luna di agosto 1951 e ta bira
referendaris. Na Corsow e tabata
e.o. secretario general interino di
gobierno. Na anja 1951 tempo cu
e teritorio di Antillas a hanja su
autonomia, senjor Kerstens a bira
e promer secretario di e teri-
torio insular di Aruba, cual pue-
sto el a mantene dosde e jerno.
Gezaghebber Henriquez a vama
senjor Kerstens, un maestro di canti-
dad di ambienan. El a conta con



Aki nos ta mira e momento di instalacion di e adspi-
rant junioren di Trupialen diabierne anochi den Centro
Cultural durante e fiesta di dia di Cecilia, e patrona di
cantantenan.

MAS BECA PA ESTUDIO DI ORGANISACION DI CARIBE

ORANJESTAD, 26 november.

For di San Juan, Puerto Rico, nos a
ricibi e noticia cu e „Organizacion di
Caribe” en concecion cu e expansion
di su programa na yudanza di e pais-
nan miembro pa anja 1964 a pone
disponibel un suma di 200.000 dollar.
E suma aki cual a worde garantiza
door di U.S. Agency for International
Development (AID) lo worde usa pa
duna ocasion na studentenan di e
paisnan cu ta miembro y esunnan cu
tin e status di „Special Observer” den
e Organizacion di Caribe.

E paisnan cu ta tuma parti den e
programa aki ta e parti Frances di
Guyana, Guadeloupe y Martinique,
Antillas Hulandes, Surinam, Virgin
Islands (Ingles) Antigua, Barbados,
Dominica, Grenada, Montserrat, S.

Kitts-Nevis-Anguilla, Sta. Lucia y St.
Vincent.

E becanan ta worde duna pa e es-
tudianan di agricultura, economia, in-
genieria, administracion publica y
maestro di school. E beca aki ta cu-
bri tur gastoon di e estudio. E go-
bierno di paisnan miembro tin di du-
na recomendacion di e personanan cu
kier hanja un beca. E aplicacion aki
por worde haci unicamente via go-
bierno. Na anja 1963, 30 beca a wor-
de duna, mientras cu na anja 1964,
45 beca lo worde duna. E estudionan
por worde haci na Universidad na
Estados Unidos of Puerto Rico. Tam-
be na e universidad di West Indies.
E estudionan ta cuminsa entre agosto
september 1964.

pa e manera cu e jubilarío tabata sa-
bi di haci su trabao. Despues di a
duna e pareha su felicitacion y mihor
deconan, senjorita M. Chai a entre-
ga floran na senjora Kerstens na
number di henier e personal.

Colegio Arubano


Como presidente di Colegio Aru-
bano, a dirigi palabran na e jubilarío
deputado F. J. Tromp. Apesar di cu
senjor Kerstens tabata un homber cu
no ta gusta „sali” na publico, toeh e
ta un di e luchadornan cu a pereura
pa awe tin un HBS completo na Aru-
ba den forma di Colegio Arubano, se-
gun e deputado. E orador a sinia su
speech mustando cu senjor Kerstens
no unicamente a haci gran trabao co-
mo secretario di e teritorio insular di
Aruba pero tambe a bira e tereno so-
cial y especial pa hubentud. Dr. J.
Hartog, kende despues a tuma pala-
bra, a elogiar e jubilarío kende sem-
per tabata cla pa yuda otro cu con-
seho. Y ora cu el a mira cu un pro-
blema no por worde resolvi e tabata
bisa pakiko tambe, locual ta mustra
di ta un homber cu caracter nobel,
segun senjor Hartog. Como represen-
tante di Lago, senjor T. Hagerty a
duna palabran di felicitacion na e na-
reha. Como e ultimo orador, senjor
Kerstens mes a tuma palabr y des-
pues di un corto resumen cu el a eu-
minza su trabao na Aruba y di e 25
anjanan cu a pasa, el a gradici pa un
e bon deconan, felicitadonan y re-
galaonan.
Algun ora mas despues e presen-
te nan a keda hunto cu e jubilarío y su
senjora den sala di Eilandsraad, pa
recorda e jubileo.

Sigiente orador

Na number di e personal di tur e
departamentonan di teritorio insular
senjor R. van Hoorn, hefe di Eilan-
dsfinancien a tuma palabr como si-
guiente orador. El a conmemora e
diferente puestonan cu senjor Ker-
stens fuera di su trabao y den su tra-
bato tabatin yudando asina henier e
comunidad segun cu e tabata por.
Senjor Van Hoorn a declara di a wor-
de impresioná semper especialmente

Desgracia di ferroviaria cerca di Hannover

HANNOVER, 26 nov. — Den ser-
cania di Hannover a dal awe mainta
den otro dos trein di pasahero, door
cu un di nan no a reaccioná riba un
signal pa stop. Tabatin 5 morto y 30
herido di cua seis ta den estado di
gravidad.



ATHLETE'S FOOT?

use

Absorbine Jr

America's No. 1

Athlete's Foot Formula

At the very first sign of
raw, red cracks between
your toes... apply liquid
Absorbine Jr.

Laboratory tests showed
Absorbine Jr. killed 100%
of Athlete's Foot fungi in
test tubes in less than 5
minutes!

Use Absorbine Jr. regu-
larly!

Available at all Drugstores.

Agents:

Marchena, Moron & Co. N.Y.

CARIBBEAN MERCANTILE BANK A HANJA PERMIT

ORANJESTAD, 26 nov. — Diabierne

u.p. Saten a dieidi pa duna Caribbean
Mercantile Bank permit pa traha na
Aruba. Bao di e number aki anto
pronto e filial di Maduro & Curiel's
Bank N.V. den Nassaustraat lo con-
tinua su trabao. E banco aki a cuminsa
na goso 1962 cu su actividadnan na
Aruba, ora cu den oficina di S.E.L.
Maduro & Sons (Aruba) N.V. nan a
traha un skina pa e banco aki. Pronto
sin embargo nan a muda pa e edificio
banda di G. de Veer en Sons, cu ainda
ta worde usa. Directiva di Caribbean
Mercantile Bank N.V. tin plannan se-
rio pa construi un propio edificio den
Nassaustraat. Mas o menos mei mei
banda pa noord. Ya cuba nan a cum-
bra e edificio di Casa Bella. Cu e
donjonan di De Weestoeel actualmente
nan ta deliberando. E directiva no ta
kere cu lo ta posibel pa realiza e
edificio riba termino corto, como ainda
mester di haci hopi preparacion prome
cu nan por cuminsa. Medio di decem-
ber e banco lo cuminsa traha bao di e
number nobo. Maduro & Curiel's Bank
a dieidi pa cuminsa cu un oficina pro-
pio na Aruba despues cu e donjonan
a mira chens pa cumpra 50% di accion
di Curacaoche Bank cu tabata den
Aruba Bank.

FATUM — Tel.: 1845
pa tur bo aseguranan

MAS GRADUADO NA ARUBAANSE MUZIEKSCHOOL

ORANJESTAD, 26 nov. — Diabier-
na dia 22 di november ultimo e di dos
grupo di alumnonan di Arubaanse Mu-
ziekschool a haci nan examen pa di-
ploma A, y B, di e school. E promer
grupo a haci examen dia 21 y e di tres
ta haci nan examen dia 23 di novem-
ber. Di e 28 alumnonan cual a worde
examina dia 22 ultimo tur a pasa cu
bon exito. E resultado tabata lo si-
guiente:

Blotfluit A: Miguel Philips, Rita v.
Esch, Annemarie Mevius, Sheila Brid-
gewater, Rodolfo Sanjurjo, Louis Boe-
zem, Hubert Provence, Harold Hei-
liger, Cecil Nicols, Ceril Dollison,
Irmo Stinberg, Ludwig Castillejo, Eu-
genio Sille, Henry Provence, Jos
Quant, Jean Lam, Sylvia Waarde.
Blotfluit B: Dorian Slats, Lies
Mevius;

Vloot A: Jacinth Romney.
Gitar A: Hendrik Diaz, Deanna
Amzand, Morris Ahlpi, Rupert Pon-
son.

Piano A: Lily Liverpool, Roy Zi-
chein, Bejillio Richardson;

Piano B: Godfrey St. Aubyn.

E alumno cu e mihor resultado den
e dia aki tabata Lies Mevius. Na e
alumnonan aki e diploma lo worde en-
treá diabierne dia 28 di november ve-
nidero na 6'or y mei den Wesley Au-
ditorium.

COMPETITIE A.V.B.

Awenochi pa 7.30 den WILHELMINA STADION

ARUBA JRS. vs. SAN NICOLAAS JRS.

(Hoofdklasse)

ENTRADA: Tribuna cu dak Fl. 1.—
Tribuna sin dak Fl. 0.50
Mucha milar prijs.



Kende ta laga di tin problema?

Tur dia nob ta experienta esaki: hobenan riba terreno di amor, school, deporte y na cas cu mayornan cu educacion di nan financia, relacion entre esposo cu nan señora, quichaceros di nan mes, relacion cu bisniza y familia.

Como Rosemarie sabi cuanto problema ta molestia un of otro persona, e la pone su mes na disposicion pa tur diamars e duna conseho gratis riba e diferente problemanan cu bo por conta den nos corant. Manda bo carta pa "Arubaanse Courant" Nassaustraat 85 y skirbi den un luki di e envelope bon cla "Correo Confidencial". Si en caso bo problema ta concerni algo muho personal y bo no kier pa e contesta sali publica den corant, anto bo por ta asina bon di inclui den e envelope otro envelope cu bo adres riba dje y stampia, y e ora ey bo ta hunja un contesta personalmente.

Rosemarie ta dispuesto na yuda bo!

Apreciable Rosemarie,

Como cu tur siman mi ta lesa e curatnan di Rosemarie den Arubaanse Courant, mi tambe a bin hunja confianza pa scribi Rosemarie. Mi ta un muchu muchu di 19 anja. Mi a kida scol dos anja pasa i for die tempu ey mi tabata stima un muchu homber di mi mes edad. Awor e ta bin mi cas i nos a pone tur idea pa compromete na fin di e anja aki i pa nos nura pa casa otro anja.

E muchu homber tin un bon trabao, e tin bon caracter i e ta di bon fa-

milia. Nos ta stima otro hopi. Awor Rosemarie, mi tata no kier pa mi tin amores cunele mas. Mi tata ta gusta bebe i bin cas burachi bin zundra mi mama i nos tur. Un dia cu el a haci asina e jencuman di mi tabata aki na cas i el a bisa mi tata, cu ta abuso loke mi tata ta haci. Mi tata tabata burachi, Rosemarie, pero loke mi jencuman a bisela si e ta recorda i for di e dia ey el a hunja repico cu mi jencuman. E'n por nirele ni tende su number mes. Mi jencuman cu mi ta "jencu" na scondi cu otro, pero mi tata a bisa mi cu pa nada di mundo lo e permiti nos compromete of casa cu otro. Mi jencuman a cumpra renchi caba i el a bisa mi cu nos ta compromete na scondi. Ami no kier usina. Pero kiko mi mester haci? Rosemarie, duna mi un bon conseho. Masha danki di antemano.

Tristeza.

Tristeza.

Mi amiga, talvez lesando mi curatnan bo mes por a uita cu nunca mi na ta conseha un yiu di bal contra su Mayornan. Mi ta hunja nun semper di respecta i obedecé e Mayornan, pero de vez en cuando mi no por sinja of conseha sin esey. Mi ta conseha bo pues di sigui cu bo jencuman i di comparta bo masha bon cunele asina cu bo no por casa otro anja decentemente. Si ha tata no kier pa boso compromete, anto compromete cu otro den quietud. Bo jencuman tin razon, cu ta abuso si un tata ta bebe burachi, b'n zundra tur hende di cas, pero e no mester a bisa nada. Di pursi un hente burachi no por discuti seriamente. Papi cu bo masha riba e asunto aki, i sigui boso dos cu boso intencion di casa. Mi ta desea bo hopi enashi, mi uniga.

Rosemarie.

Querida Rosemarie,

Cu un curazon tristu i desconsola mi ta bin scribi mi amiga Rosemarie en busca di un conseho. Mi ta un jencuman di 18 anja mi ta locamente namora di un sen'ora, cual por ta mi mama. Nos conocé otro basta tempo caba. Promete nos tabatin solamente amistad cu otro. E sen'ora ey tin mas

GRADICIMENTO

Pa medio di esaki nos ta expresa nos sincero gradicimento na tur esnan, cu a muestra nan simpatia durante enfermedad y na ora di morto di nos mama, suegra y wela stima

Sra. VDA. ANNA C. RUIZ - DE VEER

Na number di fam. F. H. RUIZ.

di 30 anja i e tin algun yiu. Pero ki ora cu bo kier e ta dispuesto pa haci co'i loco. Mi sa cu e ta loka i e ta gusta tur clase di homber: blancu of pretu, jong of bieuw. Mi sa cu e ta poco sinvergüenza pasobra dilanti cara di su yunan mes e ta bisa man cuminda kende cu pasa. E no sabi cu tras di su lomba hopi jencuman i homber ta haci bafon di dje, te hasta nan tin un number p'ele, cual lo mi no pone den corant. E sen'ora ta blond cu wowo blauw. Pero ami ta locamente namora di dje. Su esposo ta un homber serio, i mi ta kere cu su esposo no sa mes cu e muher ey ta na bida of no. Awor mi no sa kiko mi mester haci pa mi mata e locura di amor den mi curazon pa e sen'ora ey. Mi sa cu e no por haci mi feliz, pero mi no sa con haci pa luid'e. Lo bo por duna mi un conseho, Rosemarie?

P.

P. Mi amigo, mi ta sinti te hasta compasion cu e sen'ora ey pa e menosprecio cu abo y tur e otro personanan (cu ta ganja carinjo) tin p'ele. Talvez su caba ta poco bashi, talvez e ta poco infanti den su caracter, talvez e ta berdaderamente perversa. Mi'n sa.

Pero e unico conseho cu ami por duna bo ta: no pasa mas banda di

su cas, no buskele pa mira. Busca abo un bon muchu muher decente di bo mes edad. Corda riba exposé di e sen'ora i riba su yunan inocente i no bal busca mas infelicidad pa nan hogar. Na principio lo bo sinti hopi deseo di bal busca e sen'ora ey pa mira, pero alfin lo bo luid'e i lo bo harl despues pa e locura aki.

Rosemarie.

ULTIMO RESULTADONAN EXAMEN MUZIEKSCHOOL

ORANJESTAD, 26 nov. — Diasabra pasa por ultimo biaha a worde teni examen na Arubaanse Muziekschool. Esnan cu a pasa nan examen cu exito ta lo siguiente:

Piano-A: Imelda Arends, Bernadina Vrolijk, Emmy Jansen, Sonja Thijsen, Nidia Wouters, Magda de Cuba, Rita Bochove, Shirley Hazel.
Piano-B: Norma van Heiningen; Theorie-B: Imelda Arends, Magda de Cuba.

Guitar-A: Ramon Frans, Taco de Vries, Kenneth Nahar, Magda Watschman, Robert McClain.
Magda Watchman a pasa su examen di mas mihor. Entregamento di diploma pa e alumnonan di San Nicolas ta diahuebs venidero pa 6.30 'or den Wesley Auditorium y pa esnan di Oranjestad, diabiernes pa 6.30 'or na Centro Cultural.

MEDIONAN DI ESTADO: SEIS MILLON ABOU

ORANJESTAD, 26 november. — Segun e medionan di Estado di Aruba cu a worde recien presentá e entradanan di Teritorio Insular di Aruba a monta te cu september ultimo na suma di f18.711.511.87. E suma cu ta worde calcula pa henter anja 1963 ta monta na f24.469.000.

Ta falta ainda anto 6 millon. Entre esakinan tin tambe 2 millon cu Land mester paga pa motibu di e accion di Teritorio Insular den e derechonan di importacion cu a worde aumen'a y accijnzen y casi 2 millon florin na inkostenbelasting. E begrotingsposten unda e entradanan a surpasa e calculonan ta:

Huurmento di bot: calcula: 76.000.— ricibi 99.192.—
Bendemento di plaachi di number calcula: 8.600.— ricibi 9.060.—
Belasting di vehiculo di motor y



Avisa den ARUBAANSE COURANT y compara e resultado

Bin weita nos coleccion di **TAS Y SOMBRE** tambe **BISTIR PA DAMAS Y MUCHA.**
Ultimo novedadnan:
Precioso Blusa, - Brassiere, - Housecoats, y.... **SAPATO!**
PALAIS ORIENTAL
Oranjestad (Pabau) — San Nicolas.

boto di motor calcula: 515.000.— ricibi 546.185.25.
Belasting di cacho calcula: 4.000.— ricibi 5.918.50.

Fin di september 1962 a worde ricibi f 16.6 millon di e suma calcula f 23.5 millon. Na anja 1962 fin di september a drenta 70.5 por ciento di e suma total, e anja aki na e mesun tempo a drenta caba 76.4 por ciento.

NOBO NOBO NOBO
NASSAUSTRAT No. 34
Nos a cuba di ricibi tela Brocat especialmente pa bunta bistir di fiesta. Seda Shantung den colornan mas bonita, chiffons cu disenjos preciosos. Pa Pasco nos tin un surtido grandi di tela borda. Tambe katuna Drip-Dry nobo. Y.... corda nos prijsnan, semper mas conveniente

B.C. ta bisa menos kibramento di telefoon publico

ORANJESTAD, 26 nov. — Durante e tratamiento di e begroting di 1964 di TelefoonDienst diferente puntanan a worde treci adilanti en cuestion cu telefonnan publico. Un punto cu tur anja ta bolbe. Asina a worde puntra si e kibramento di telefonnan publico ta sovode hopi ainda y si no ta conshable pa pone e telefonnan aki serea di cas contra di pago, door di cual e donjonan di cas por tira un bista. Cier to miembronan di raad a bisa cu na cierto servicjonan di gobierno ta worde trata masha bruto cu telefonnan, mientras cu otronan tabata kier sabi cu si tin cierto telefonnan cu por worde yama baek. Tambe un miembro di raad tabata kier sabi unda ariba begroting ta para e gastonan di e dia di telefon y e entradanan di e anuncio nan den e dia.

Ariba esaki B.C. a contesta, cu segun e opinion di e college tin menos kibramento di telefoon pa malo cu antes. Instalacion di e telefonnan aki serea di casnan, no ta paree B.C. tan deseabel, como cu e ora ey esaki por resulta den keho cu tin hende ta seucha e combersacionnan di otro. E college no tabata sabi di nada en cuestion cu defectonan na telefon den oficianan di gobierno pa motibo di tratamiento bruto. E yamamento di telefon publico ta sin mas algo imposibel.

Unicamente e telefonnan pa autonan di huur por worde yama. Loke ta trata di e gastonan di e dia pa telefon, B.C. a contesta: "E drukmento di e dia di telefon a sovode anjanan largo sin ningun gasto pa Servicio Telefonico. Como recompensa pa e gastonan di drukmento, e imprenta a tene e entrada di e anuncio nan pa su mes. Awor cu e cantidad di telefonnan na Aruba ta bira mas, y asina gastonan di imprenta, pero cu e anuncio nan ta keda mas o menos mesos. Servicio Telefonico ta cubri algo di e gastonan. Pa e dia di 1963-1964, cu ta un total di 4800 buki, e gasto di imprimi cu TelefoonDienst tin di paga ta, 500 florin.

tonan di drukmento, e imprenta a tene e entrada di e anuncio nan pa su mes. Awor cu e cantidad di telefonnan na Aruba ta bira mas, y asina gastonan di imprenta, pero cu e anuncio nan ta keda mas o menos mesos. Servicio Telefonico ta cubri algo di e gastonan. Pa e dia di 1963-1964, cu ta un total di 4800 buki, e gasto di imprimi cu TelefoonDienst tin di paga ta, 500 florin.

MORTO DEN RING

MONTEVIDEO, 26 nov. — Dos ora despues cu nan a manda e boxeador Uruguayo Robert Hernandez di 48 anja lona, el a muri na Montevideo. El a cai despues di un sla di su contrincante y a dal su cabez contra suela di ringside.

Sin di a recobra conocimento Hernandez a muri den hospital bao di man di docternan, di un hersenschudding y fractura di craneo.

PRESUNAN SURVIETNAMES TA KEDA LIBER

SAIGON, 26 november. — Foi revolucion caminda nan a tumba gobierno di presidente Diem nan a saca mas di ocho cien persona foi prisionan secreto. Asina e agencia oficial di prensa di Vietnam del Sur a anuncia.

COMUNICADO ALEMAN — FRANCES

PARIS, 26 november. — Francia West ta reconoce e interes pa e dos paisnan di e arreglo di e asuntunan agriculturnal y financiero pendiente ainda den E.E.G. dentro di e termino stipula pa esey, asina e comunicado comun cu a worde edita na Paris despues di e deliberacionnan entre De Gaulle y Erhard ta bisa. Nan ta di acuerdo, cu mester haci tur loke ta posibel pa e deliberacion na Brussel yaga na un fin exitoso. E dos lidernan ta constata cu e acuerdo Frances Aleman di amistad tabatin un bon euminzamento. Por lo demas ta worde observa cu e cooperacion Frances Aleman no tin un caracter exclusivo, pero cu tambe otro paisnan di e comunidad europeo por participa na e cooperacion.

ASESINO DI BOSTON TA OPERA ATROBE

BOSTON, 26 november. — E estrangulador di Boston, ayera a bolbe comete su di 11 asesinato. E vicima, e jufrouw di school di 22 anja Joann Graff, a worde mata ne mesun manera cu e 10 otro muhenan prome cu ne, entre otro di a worde estrangula pa un meya di nylon. Polis te ainda no por a resolve e asesinatonan.

WHITFIELDS
ta ofrece pa e temporada di Pasco y Anja Nobo...



bishita nos departamento di **REGALOS**
* cuadro Italiano
* flor artificial
* pecbere completo
* figuritas pa pecbere
* vuas y pronkstuk precioso
y hopi otro articulo mas cu a caba di jega.
Tambe den e ramo aki pa calidad y experencia...
WHITFIELDS

Bunita y toch economico ta e lote nobo cu a cuba di jega:
* **FLUS & BISTIR** di e famoso marcanan "Santone" & "Helix".
* **SAPATO ITALIANO & TAS** pa damas y mucha.
LIBERTY STORE
(Pabau di Aruba Bank San Nic.)

BON NOTICIA PA HENDENAN CU TIN DIABETIS.....
gosa di un bon chuculati "RINGS", especialmente produci pa bo!
Obtenible na:
Banketbakkerij P. HARSVELD
Tel. 3322 - Windstraat 40



gracias na e staf di techniconan cu ta duna bo tur informacion pa planea bo cas, renovacion of reconstruction na un prijs masha razonable.
PETRONA & CROES

gracias na e staf di techniconan cu ta duna bo tur informacion pa planea bo cas, renovacion of reconstruction na un prijs masha razonable.

For HEALTH FRESCAVENA
E refresco cu ta ALIMENTA
Agente pa productionan di **QUAKER**
DE VEER & SONS INC.
Tel. 1326-5261

TA BENDE
Nevra "G.E."
Stoof
Set di comedor
Set di sala
Was-machine "G.E."
Televisor "G.E."
Wieg, cashi, box y stoel pa Baby.
Pa inf.: Acudi na Kas Patricia 9B (Simeon Antonio)

KNSM

your line

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIP'S NAME	FROM:	TO:
AMMIGEN	1-12-'63 U.S. Atlantic Ports.	Ven., Trinidad, Europe.
ANDERS ROGENAES	1-12-'63 Canada.	U.S. Gulf Ports.
ORANJE NASSAU	3-12-'63 Europe, Curacao	Kingston, Pto. Limon, Cartagena.
BREDA	4-12-'63 U.S. Gulf Ports.	Cur., Ven., Trinidad, Barbados, Georgetown, Paramaribo.
SARPEDON	5-12-'63 U.S. Atlantic Ports.	Ven., Georgetown, Paramaribo.
BAARN	5-12-'63 Europe, Curacao	Pto. Cabello, Colombian Atlantic Ports.

CISCO KID presenta pa cortesia di **ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

1. Ta un fractura! Nunca un bestia a jega di tref! Ta masha suerte.
2. Poco despues, un brug... ta cai aden.
3. Un cabuya den forma di un lazo ta ranca un jhete na su garganta. Kende ta keda colga den un manera critico.



EPITA pa cortesia di: **Antillian Hardware Co**

E mehor adres pa VERF, KWASHI, TUR CLASE DI HERMENT, articulo sanitario.

1. O mare Pepita no mira mi, tanten cu mi tin piazan ariba e sofa.
2. Lorenzo, kiko bo ta haciendo?
3. Awel... manera bo ta mira... para ariba un pia.
4. Nunca bon tabata gusti para ariba un pia so, Pepita?



RONDORADO... SUPERIOR

PRODUCTO DE: **ARUBA DISTILLING CO.** Wilhelminastraat 47 — Tel. 1266

Openbare Aanbesteding

Vóór 28 november 1963 te 10.00 uur des voormiddags worden: op CURACAO ten departemente van Justitie, Fort Amsterdam 5, op ARUBA ten Gezaghebberskantore, afdeling Algemene Zaken, aanbestedingen ingewacht voor het leveren van voedingsmiddelen, schoenen en andere benodigdheden ten behoeve van de Strafgestichten en het Huis van Bewaring op Curacao en van het Huis van Bewaring op Aruba.

De opening van de inschrijvingsbiljetten geschiedt in het openbaar op bovenvermelde datum om 10.00 uur des voormiddags op Curacao ten departemente van justitie, op Aruba ten gezaghebberskantore.

Een omschrijving, waarin de specificatie alsmede de leveringsvoorwaarden zijn aangegeven, is kosteloos verkrijgbaar bij de hoofden van genoemde Gestichten.

S.v.p. duidelijk op de gesloten enveloppen vermelden:

"AANBESTEDING BENODIGDHEDEN GEVANGENIS/HUIS VAN BEWARING 1964"

Na tres gol Jong Aruba y Dakota a empata

(Di nos redactor Deportivo)

E penultimo wego di e promer rond di e campeonato di futbol hoofdklasse a warde hungo diasabra anochi den Wilhelminastadion entre e oncenanan di Jong Aruba y Dakota. E encuentra aki a resulta den un atractivo cu un futbol hapi rapida di cuol e fonoticanan presente o go'a hapi. Jong Aruba a sarprende tumando ventaha for di tempron y a tumar cada biaha ventaha atrabes den e partida. Ta biniendo di atras Dakota a logra empata e partido den dos ocasion pa finalmente e encuentro caba cu anotacion di tres gol pa banda.

Ya den di 5 minuut di e promer mitad Ange Perez di Jong Aruba ta pone su team adianta. For di un pase largo Ange a ricibi y a shot mesora duro aden batiendo keeper Yubi Richardson pa di prome biaha e anochi.

Cu e mes rapidez Dakota ta empata y partido dos minuut despues. Danny Pablo a ricibi un pase cu su lomba pa gol y ta bira rapidamente poniendo un shot directo bon coloca pa empata e wegá na un gol pa banda.

Apenas ta transcurri un minuut y Jong Aruba ta bolbe bai adianta demostrando cu nan a subi tereno cu tur intencion di gana. E biaha aki ta midvoor Ren Gomez di Jong Aruba despues di un rush ta pone shot incogible pa keeper Richardson di Dakota. Score Jong Aruba 2 Dakota 1.

Hopi pareuw cu atakenan di ambos banda e wegá ta continuá te den di 32 minuut ora cu e scoreboard ta drenta den accion atrobe. Atrobe ta pa marca un gol di e veloz muchanan di Noord.

Durante un atake referi Mundo Kemp ta constata un penalty contra di e dakotenenan. Midvoor Ren Gomez ta coloca su mes tras di e cuero y su shot no por a worde debolbi door di e portero dakoteno.

Score Jong Aruba 3 Dakota 1. Faltando diez minuut pa e promer mitad completa Dakota ta anota su segundo gol di wegá. Rechtsbuiten Trinidad ta haci pase pa Richard Jacobs kende ta shot aden. E bala ta rebota contra di tubo di gol bin back y e propio Jacobs ta busca di kop. Pero un defensa di Jong Aruba ta busca di saca e bala cu un chalaka y referi Kemp ta pone un castigo pa e hugada peligroso aki. Penalty ta e sentencia y esaki ta worde cobra den forma perfecto door di Nulfo Steba

pa pone e scoreboard awor na 3-2 na favor ainda di Jong Aruba.

Segunda mitad: Dakota ta empata.

E amarillonan di Dakota no ta tarda pa haci e desventaja cu nan tin desaparece den e segundo tempo. Dos minuut e partido tabatin reanuda ora cu Nulfo Steba despues di ricibi un pase largo ta pone shot cu ta bai para den net empatando asina e wegá na 3-3.

Un momento angustioso e gol dakoteno ta experiencia den di 8 minuut ora cu Ange Perez ta pone un bon voorzet. Keeper Richardson ta sali pa intercepta sin logra tene e bala. Gomez ta ricibi e y ta shot aden. Pero defensa Adolfo Jimenez di Dakota ta salba e situacion ora cu e ta debolbe e bala for di den boca di gol.

E bon colocacion aki di Jimenez ta loka e salba e dakotenenan di un posibel gol contra cu, ya cu den resto di e partido e dakotenenan no a produci mas gol, por a resulta den nan derrota.

A pesar di ta hopi bao presion di continua atake di e dakotenenan, e muchanan di Jong Aruba ta logra tene nan gol limpi den resto di e partido.

Valientemente nan ta defende cu exito y ta logra cu e partido ta termina den un empate di tres gol pa banda.

Cu e resultado aki Dakota ta continua invicto den e campeonato 1963. Di nan 7 wegá hunta nan a logra gana tres. (Juventud Millonarios, R. C. A. y Aruba Jrs) y e otro chutaron a resulta empate pa nan. Dos punto nan ta termina e promer rond bao di e actual lideman RCA, cu tin 12.

Jong Aruba a termina e promer rond cu record di dos gana un empate y cuatro perdi.

Awe noch e ultimo wega di e promer rond ta worde hunga entre e equiponan di Aruba Jrs y San Nicolas Jrs.

UNIDAD DI KOREA

TIJONG YANG. 26 nov. — Gobierno di Noord Korea ayera a stipula formacion di un confederacion cu Corea del Sur como e prome paso pa reunificacion di pais. Tambe nan a propone pa drecha e servicio di post entre noord y zuid.

E proposicionnan aki ta den un memorandum, den eua gobierno di Noord Korea ta pone oposicion contra tratamentu di e kestion Koreano door di Asamblea General di Naciones uni.

Cumpleanjos

Dia 25 di november ta cumpli 4 anja Catharina Rosaria Wernet, felicitacion ta bini di su mama Bertha, rumannan Mona, Marcolina, Flora, Lienda, Mena, Vieta, Ina, y Cherij, wela Catrien, welo Herchie, tantanan Julieta, Maria, Chana, omonan Nicolaas, Arcadio, Chico, Primo y primanan, especialmente di su padrino Luis Geerman, madrina Florentina Franken y demas famia Wernet, Franken y Angela.

Awe dia 26 di november ta cumpli 9 anja Filomena Wernet, felicitacion ta bini di su mama Bertha, rumannan Mona, Marcolina, Flora, Lienda, Vieta, Ina, Rosa, Cherij, wela y welo, omonan, prima y primonan, especialmente di su madrinan Maria Dirksz y Baby Robles, tambe di Merel, Robbie, Rickie, Deners y Eddy Robles y demas famia Wernet, Franken y Angela.

El 25 de noviembre cumplió su 75 aniversario de feliz existencia el capitán Arnold Musk, como cariñosamente le llaman, le felicita su señora, su hija de crianza Arnelia Cabrera, hermana Anna Musk, quienes le desean salud y larga vida.

Awe lo drenta enlace matrimonial senior Juan Vrolijk y Johan Belafanti, felicitacion ta bini di famia Tromp y Vrolijk.

Awe ta cumpli anja e encantadora senjorita Olga Filomena Maduro, felicitacion ta bini di parti di su majornan, Maria Maduro, Petra Vrolijk, Richard Jacobs, Chica Croes, tambe di Juanita Henricus, Alcides Harms, Aiky Maduro y Emilia Vrolijk.

Awe dia 26 di november a cumpli 3 anja e simpatica Alicia Aureliana Geerman, felicitacion ta bini di tur su famianan, mama N. Ch. Geerman, Reina Harms, Imelda Thijssen, Olga Maduro, Emilia Tromp, Alcides Harms y demas conocinan.

Awe dia 26 di november ta cumpli 6 anja e hobencito Edwin Damian, felicitacion ta bini di su estimado tata Porfirio, mama Wanita, rumannan y Glenda, welo Rafael Maduro, wela Petra Koolman, tanta y omonan, prima y primonan, amiguitonan, especialmente di su madrina senjorita Ilsa Maduro, padrino Marco Maduro y demas famia Debian y Gomez.

INDEPENDIENTE CAMPEON DI ARGENTINA

BUENOS AIRES. 26 nov. — Pa di cinco biaha foi importacion di futbol profesional na Argentina, e club "Independiente", a gana e campeonato Argentino di futbol. Independiente a colecciona e ultimo dia di competencia un total di 37 punto, o sea dos mas cu River Plate, cu a termina na di dos lugar. Boca Junioresnan campeon di anja pasa a ocupa e di tres fuga cu 30 punto.

Prome independiente a obtene titulo na anja 1938, 1939, 1948 y 1960.

E campeon futbolistico di Colombia a worde obtene pa Millonarios cu no ta di alcanza actualmente maske tin ainda 4 wega riba programa.

AGENDA

CINE

Diamars 26 november 1963
DE VEER 8.30 p.m.: "The Castilian" 18 J
RIALTO 8 p.m.: "El hijo de hombre" 18 J
PRINCIPAL 8 p.m.:
"The Mill of the Stone Women" 18 J
AURORA 8 p.m.: "Un Rayo de Luz" all
SAVANETA 8 p.m.: "Madame Sans-Gene" 14 J

BOTICANAN DI WARDA
Oranjestad: Botica Oubser tel. 1788
San Nicolas: Botica San Lucas tel. 5119

DOKTERNAN DI WARDA
Oranjestad-Noord: Dr. C. v.d. Bilt
San Nic-Sta. Cruz-Sav.: Dr. J.G.H. Janssen

WIT GELE KRUIS

Oranjestad: Zr. Ewald
San Nicolas: Zr. Perpetua
Santa Cruz Zr. Ludovic

LUCHTPOSTSLUITINGEN

Diamars

Anguilla 8.30, Antigua 8.30, Argentina 8.30, Bolivia 8.30, Bonaire 8.30, Brazil 8.30, Br. Guyana 8.30, Canada 8.30, Chile 8.30, Colombia 8.30, Costa Rica 8.30, Cuba 8.30, Curacao 8.30, Ecuador 8.30, El Salvador 8.30, Venezuela 8.30, Guayaquil 8.30, Maracaibo 8.30, Mexico 8.30, Montserrat 8.30, Nieuw Guinee 8.30, New York 8.30, Nicaragua 8.30, Panama 8.30, Paraguay 8.30, Peru 8.30, Puerto Rico 8.30, Rep. Dominicana 8.30, St. Kitts 8.30, St. Maarten 8.30, Suriname 8.30, Trinidad 8.30, Uruguay 8.30, Venezuela 8.30, Zr. Ewald

Personanan di bon gusto ta prefera entre e mehoran

E MEHOR!



REY DE COPAS
ARUBA DISTILLING COMPANY
Wilhelminastr. 47 — Tel. 1266

TELE-ARUBA

Diamars 26 november 1963
05.30 Cartoons
06.00 The Buccaneers
06.30 N.T.S. Journal
06.45 Papiamento Newscast Live & Filmnews
07.00 Rough Riders
07.30 Sports News
07.45 Our Miss Brooks
08.15 Lock-Up
08.45 English Newscast Live & Filmnews
09.00 77 Sunset Strip
10.00 Sign off.

RADIO ANTILIANA

Diamars 26 november 1963
05.30 Apertura
06.10 News in English
06.30 Noticianan na Papiamento
06.45 Te 7.45 a.m. Bai trabao den compania di bo companiero constante Radio Antiliana
07.10 News in English
07.30 Noticianan na Papiamento
07.45 Noticiero Musical
08.30 Musica varia
09.15 Programa pa amanan di cas.
10.00 Melodias Antilianas
10.15 Noticianan na Papiamento
10.30 Melodias Antilianas
10.45 Charla deportiva

01.00 North - American music
02.00 Album di recuerdo
03.00 Boleros romances
03.00 Festival musical
03.00 Programa pa papiamentu den hosped
04.00 Programa "La Sopereta"
04.30 Peticiones
05.00 Noticianan na Papiamento
05.15 Calypsoarica
05.30 Calendario Antiliano
05.45 Musica varia
06.00 Charla deportiva
06.10 Musica Norte-Americana
06.30 News in English
06.45 Variedad musical
07.00 Felicitaciones y complacencias
08.30 Nota alegre
09.00 Musica Latina
09.15 Musica varia
09.30 Anforas
10.00 Resumen di Noticianan
10.30 Variedad musical
11.00 Melodias y romance musical
12.00 Clausura.

RADIO VICTORIA

Diamars 26 november 1963
A.M.
9.00 Apertura
9.05 Noticias
9.15 E hibel Habi
9.30 Gimnasia
9.40 Noticias
10.10 The Bible for you
10.15 Radio Revival
10.20 Thoughtful home
11.00 Chapel of the air
11.15 Overseas Crusade
11.30 Melodias di merdia
12.00 Ultimas noticias
12.15 Musica sagrada
12.30 World News
12.45 Quiet time
1.00 Radio concert hall
2.00 Reading Room
2.15 Songs of Zion
2.30 Quiet hour
2.45 Ensayos musicales
3.15 Melodias del alma
3.30 Adelaite juventud
4.00 Musica di banda
4.15 Ultimas noticias
4.30 Muchanan pa Cristo
4.45 Noticias na Spanjo
4.50 Accion del aire
5.15 Palabranan di bida
5.30 Musica para la cena
6.00 Ultimas noticias
6.30 Oratorios en Vrede
6.45 Nederlands nieuws
7.00 Profile of an American
7.30 Strange Stories from the Bible
7.45 Miracles and melodies
8.00 World news
8.15 Off the record
8.30 Back to the Bible
8.40 Musical gems
8.50 Bible time
9.00 World news
9.05 Klasiieke muziek
10.00 Sign off

RADIO KELKBOOM

Diamars 26 november 1963
7.00 Opening
7.05 Bon dia cu alegria (Instrumental)
7.15 Musica Norte Americana
7.30 Musica Matutino
8.00 Seleccion Musical cu discoracion
8.10 Latin American
8.30 Cumpleanjos felix
9.00 Noticias social
9.15 Felicitacion musical pa telefon
10.00 Noticias internacional
10.15 Musica varia
10.30 Programa di N. Habibe Jr.
11.00 Noticias internacional
11.15 Musica Antiliana
11.30 Musica
12.00 Noticias internacional
12.30 Musica Norte Americana
12.45 Noticias local
01.00 Musica varia
01.30 Mel ora cu Boleros
02.00 Novela (Crepetol)
02.30 Melodias instrumentales
03.00 Musica Colombiana
03.15 Twist
03.30 Calypso
03.45 La Macoriana & International
Supermarket
04.00 Musica cu sabor Asteca
04.30 Noticias local
04.45 Costal musical
05.00 Danzon Cubanos
05.15 Musica varia
06.00 Noticias deportivas
06.15 Musica varia
06.30 Musica para la cena
07.00 Noticianan internacional na Papiamento
07.15 Musica Europeo
07.30 Novela (Vida Robada)
08.45 Musica varia
09.00 Careda musical
10.00 Clausura.

RADIO CARACAS TELEVISION

Diamars 26 november 1963
8.45 Senderos de Luz
9.00 Cajas con sorpresas
9.30 Jardin de infancia
10.00 Ingles por T.V.
10.30 Programa de Cecilia Martindale
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. Show de Saume
13.15 Se necesita una amiga
13.35 Novela
14.00 Punto y aparte
14.00 Yo se lo vendo
15.00 Estudio de Hector Monterverde
15.30 Perfecta ama de casa
16.00 Aventuras de Popeye y Yoyo
16.30 Melodias y sus muchachos
17.00 Tio Tac Toe
17.30 Pelicula
17.55 Noticias
18.00 Ruta 66
19.00 Teletatro
19.30 A gozar muchachos
20.00 El Observador
20.15 Novela
20.30 The Amador news
21.00 Julian Pacheco
21.30 Ruta del Sol
22.30 Noticias
23.35 Cine para todos.

FORD CONSUL CORSAIR

E auto cu elegancia sin igual pa hendenan di bon smaak!

- INCOMPARABLE DEN DISEÑO
- INCOMPARABLE DEN COMFORT
- INCOMPARABLE DEN SEGURIDAD
- INCOMPARABLE DEN VENTAHANAN TECNICO!

y apesar di tur esaki, e CONSUL CORSAIR su prijs ta menos y su mantencion ta menos, compara cu otro autonan di su clase.

Pa mas informacion

NEME IMPORT EXPORT COMPANY N.V.

Oranjestad

Tel. 1840 - 1754 - 1775

Ta un hecho cu

Ford

ta duna bo MAS auto pa ba placa!

LESA ARUBAANSE COURANT



SORPRESA NAN
CU UN
REGALO ELECTRICO
PA DIA DI SINTERKLAAS...

... y nan ta carda ariba „SINTERKLAAS“
durante henter anja !..!



DICK TRACY

1. Mi ta corda cu nos tabatin un kelder di wortel aki-banda.
2. Kelder di wortel? Kiko ta un kelder di wortel Pappy? Ta un buraco caminda bo ta warda appel y wortels y kolo....
3. Y batata!



RIP KIRBY

JAN BODEGOM & CO (Aruba) N.V.

TEL. 1284 — 1402

Agente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE

1. Holat Mi number ta Jack Devlin, operador di radio di Sirocco, mi a tende bo mensahe.
2. Si, no bisa mi cu bo tabata bati den e glas pa bo jama e waiter?
3. Belleza a ricibi contesta ariba su llamada telegrafica.



DESEO PA BO AMOR

Ta com el a imagina su mes tur cos anto? Especialmente Brigita Storm cu eabel pretu tabata tin un number kenende e por a confia cien por ciento. Y e ta corre tras di un aventura cu sigur mester fracasa. El a compor su mes manera un mucha bobo.

Jacinta Krusio a bira inalcanzable. Si e tabata spera cu durante e dianan cu el a tene su mes malu lo tin un asercacion cu Jacinta, el a kiboca su mes. E calor di e prome dianan a pasa caba y a cambia den un indiferencia friu.

Siguiendo un idea di repente, Eugenio ta tuma direccion di e salon di belleza di Brigita Storm. E no a scirbi'e, cu e ta regresa cas. Ora cu e tabatin e frea loco cu Jacinta e no a pensa riba nada otro mas.

Ora e ta drenta den e oficina chikita, Brigita ta wak e sorpresa prome. Pero e ora e ta reconoce y ta bu-la lama.

bini di un famia prominente. Necesidad a obligu'e pa cuida pa su mes. Su salon di belleza tin un number kenende. Tambe Jacinta Krusio ta un di e clientenan di Brigita Storm.

Ora Eugenio ta mira e culpa divino di Brigita su dilanti atrobe su decision ta firma. Aki e no mester controla su mes, aki e no mester tin miedu pa bisa algu malu. Brigita conoce su karakter y ta bisa tur cos den su cara.

—Bon dia Brigita, e ta bisa ora e ta bai riba dje y manera custumber ta tuma su cabez den su dos mannan y ta sunche. Un ratu e ta sinti e recuerdo di un otro hende, cu semper e ta sinti algu prohibi ora e ta sunche.

—Mi ta spera, cu mi sorpresa a logra...

—Completamente Eugenio! e ta hari. Kiko bo ta pensa di un gin? Sigaria? Bin sinti y conta mi!

—Con bo por sa esey? e ta puntra gura.

—Anto bo tin problema, e ta afirma su suposicion, sin contesta su pregunta. Problemanan tey pa worde veni. Papi, senior mi lo mira kiko mi por haci pa bo.

Esey ta Brigita Storm. Bo no por desanina. Cu gran alivio Eugenio ta constata esey. Con e por a pusha e muhe aki un banda pa un ilusion? E tabata completamente loco anto?

Esaki no ta nifika cu Jacinta su cidadnan no ta bon. No, pero Jacinta una bez ta completamente diferente. Y e mester confesa cu e ta pas miho sera Brigita cu sera Jacinta. Pero toch ta un confesion pisa pe. Con Brigita Storm lo acepta? Automaticamente el a baha su cabez atrobe pa pensa riba su situacion desespera. E ta spanta ora cu un man bunita ta caricia su cara tiernamente.

—Asina dificil e ta Eugenio? Brigita ta puntra cu su voz caluroso. Bo tin mester di placa? Esey lo no ta un motibu pa lora....

—No, no Brigita esey no ta asina. Pero... mi mester confesa algu.... Mi a comete un gran locura.

—Tur hende ta comete locuranan den su vida. Hendenan perfecto ta fastioso. Pero mi mester goza bo cu bo ta haci e asunto exitante. Bini, bebe prome.

Eugenio ta hasha e licor den su garganta. E ta sinti su mes un poco miho pa papi awor.

—Bo a conoce mi rumen Frank, toch, Brigita? e ta cumenza.

E ta sinti su pianan cruza dilanti dje.

(P. ta sigui)



Algun miembro di e comité di eleccion di I.O.W.U.A. contando e votonan.



Senor Felix Garrido, presidente di e comité di eleccion aparentemente tabatin pianan cansa diasabra anochi. Diferente biaha el a saca su sapatunan, pa descansu su pianan di e canamentu bai bini durante e contamentu di votonan.

CLIPPERS A SUPERA DOUANE 18 PA 9

(Di nos Redactor Deportivo)

Di e ultimo cuatro weganan di e campeonato di softball programa, unicamente uno a worde hunga. Esaki tabata e partido entre Paxton Clippers y Douane, e ahabonan di La Moderna. Cu anotacion di 18 carrera pa 9 Clippers a resultá vencedor. Nan a conecta total di 21 hit y a comete tres pifia. Douane a conecta 13 hit y a comete 4 error. Pitcher ganador tabata Yarzagaray, perdendo A. Jacobs. Dos homerun a worde conecta door di dos di Clippers, uno tabata di Feki Caster den e sexto inning y e otro di Yeyo Buckley den inning number shete.

E otro tres partidonan no a worde hunga debi na cu un di e contrincantenan a keda sin presenta cada biaha.

Rainbo Bakker, Rapinos, a resultá vencedor asina den dos ocasion. Pa un partido San Nicolas Stars a keda sin presenta y pa e otro Amstel no tabata completo. Tambe Los Gavilanes de Casa Haima tambe a gana uno facilmente asina ora cu Elmar no tabata completo.



Den centro nos ta mira e presidente re-eligi di I.O.W. U.A. senor Frans Lodewijk Maduro, durante studiamentu di e resultado final di eleccion cu a tuma lugar diasabra ultimo.

POLITIEK DI EXTERIOR DI MERCA

WASHINGTON, 26 nov. — Segun un ambienar prominente di Merca un die trahaonan di mas importante cu a presenta na gobierno Mericano nobo bao di e presidente nobo Johnson ta di kita eventual preocupacion den exterior pa cambio den politiek di exterior di Merca.

Esaki ta segun observadonan diplomatico a participa probablemente tambe un razon pakico presidente Johnson a dieidi pa no perde tempu y lo papia foi otro mahan cu Congreso pa explica su finesnan di mas importante. Na Washington nan ta supone generalmente, cu Rusia lo no trata pa yega na un medimentu scio di forza cu Johnson.

Nan ta mira dilanti un periodo notable di sosiego den relacionnan entre este y oeste. Si e Rusonan kier pone Johnson na prueba, esaki lo tuma lugar segun observadonan diplomatica.

AMENAZA PA SENJORA KIRKSEY

ATLANTA, 26 november. — Senjora Kirksey, kende su casa a cai den guerra abordo die hapor di marina riba cua defuntu presidente Kennedy como teniente tabatin mando, ta bao di proteccion di polis. Nan a amenaze door di un yamada telefonica.

Kennedy, a pone senjora Kirksey e tempu ey na altura di morto di su casa. El a tene contacto cu ne y a duna cooperacion na enseñanza di su yiu homber. Diasabra mainta e tabatin un yamada telefonica. Despues di un contesta positivo e voz a bisa: kien meen cu bo tambe ta simpatisa hendenan di colo. Bo tin bien serra porta na yabi. Despues nos lo haci cuenta cu bo.

mente den kestionnan cu poco interes. No den kestionnan tocante Cuba o Berlin. Loke ta referi occidente e aliadonan di Merca no tin mester di duda segun experianan cu Johnson den su puesto di segundo presidente semper tabata sinceramente tras dje medidanan tuma riba orden di e presidente.

GOBIERNO NOBO DI SUR VIETNAM TA TUMA MEDIDANAN

SAIGON, 26 november. — E consetho revolucionario na Sur Vietnam a destitui awe 31 oficial di nan puesto y a manda nan pa tempu ilimita cu verlor y sin salario. E principal victima di e medida aki ta brigadier-general Van Thanh Cao, kende door di ex-presidente Dinh Diem a worde nombra comandante den algun provincia noord y oost di Saigon. E oficial aki parse durante e revolucion di prome di november a trata pa reuni trupanen pa lanta contra e golpe di estado.

Den e ciudad Survietnames Hoc-E awe algun mil demostrante a exigí morto di un ex-miembro di servicio secreto kende parse ta responsable pa morto di ocho hudista na mei di e anja aki.

KAREL JOHANNES VAN ERPECUM A MURI

PARAMARIBO, 26 nov. — Ayera a muri senor Karel Johannes van Erpecum, na bida senor Van Erpecum, tabata vice-presidente di e Raad van Advies na Surinam, ex-presidente di Staten di Surinam, ex-presidente di Corte di Husticia, ridder den orde di „Nederlandse Leeuw“, officier den orde Van Oranje Nassau.

Entierro di Kennedy: MUNDU A DUNA KENNEDY SU ULTIMO HONOR

WASHINGTON, 26 nov. — Ayera tardi nan a serra portanan di e rotonde di capitolio cambia mas di un cuart millon persona a desfila banda di e caha cu e restu di president Kennedy. Despues senjora Kennedy a sali cu sobra miembro di familia di Casa Blanca pa capitolio y a compania e restu di e president pa catedral San Mateo.

E comitiva funebre tristu aki tabata compania pa un escolta militar.

SERVICIONAN DI MISA PA KENNEDY NA RUSIA

MOSCU, 26 november. — Ayera mainta nan a tene den misanan Frances San Lodewijk na Moscu un misa pa defuntu presidente Kennedy. Tabata presente akinan e embahador Mericano na Moscu, diplomaticonan foi otro paisnan y catoliconan Ruso.

A celebra e misa un religioso dje embahada Mericano. Gobierno Ruso tabata representa pa dos funcionario dje ministerio di exterior. Den number dje iglesia Ruso ortodoxa obispo Alexei di Tallinn a asisti ne misa. Despues nan a tene un servicio protestant di misa den embahada Mericano, caminda hopi diplomatico a asisti.

TELEGRAM DI CONDOLENCIA DI MINISTER LAMPE

DEN HAAG, 26 november. — Minister plenipotenciario di Antillas Hulandes, senor Lampe, a manda despues di morto di presidente Kennedy den number di gobierno y henter Antillas Hulandes un telegram di condolencia ne embahador Mericano na Den Haag John Rice.

Minister Lampe a bisa den su telegram: Den es ora di tragedia, causa pa e asesinato traidor y vil riba presidente di Merca John F. Kennedy, mi ta tuma es libertad pa muestra mi sentido pesame tambe den number di mi gobierno y poblacion di Antillas Hulandes, den e ora di un perdida irremediable pa humanidad. Mientras nos ta manda condolencia den prome lugar pe viuda yiu, y otro famianan dje fallecido, nos pensamentunan ta sali tambe pa bo gobierno y bo pueblo cu ta lamenar un dies presidenenan di mas grandi di Merca, cu a muri den campo di honor luchando pa justicia, paz y derechonan humano. Mi ta desea cu su sucesor lo sigui su pasonan pa realizacion di nos idealnan di mas grandi.

PROME REACCION DI FIDEL CASTRO

MEXICO, 26 november. — Mal noticia, prome minister Fidel Castro di Cuba, a bisa ora cu diabierna el a tende di atentado riba presidente Kennedy. Segun e periodista Frances Jean Daniel, cu e momento ey tabata sera e prome minister Cubano, Fidel a keda perpleha. Despues, ora cu nan a kere cu presidente Kennedy solamente ta herida, Castro a bira visiblemente aliviado. Den e caso aki nan lo reelgie atrobe el a exclama.

Ora cu Castro a tende cu e presidente a muri, el a desaproba e hecho aki completamente. Un dia anterior, segun Daniel, Castro a bisa ainda cu Kennedy ta responsabel pa tur cos, pero cu cuakier otro persona lo a causa mas danjo.

Exposicion Mericano a hala 125.000 bishitante

AMSTERDAM, 26 nov. — E exposicion Mericano den edificio Rai na Amsterdam cu nan a inaugura dia shete di november pasa y lo a dura te dia 24 di november pero cu a worde serra despues dje noticia tocante morto di Kennedy, a worde bishita pa mas di 125 mil persona.

Senjora Kennedy a binea rodilla banda dje caha di su esposo, e yunan no tabata presente.

Na Casa Blanca e comitiva a para pa duna rey, Princesa y presidente cu prome ministerian oportunidad pa uni cu nan. Tambe durante un misa di requiem servicio secreto di Merca no a tuma ningun riesgo pa seguridad di presidente Johnson y otro mandatarionan real foi stranheria. Agentenan di servicio secreto ta pone di tal manera, cu nan tin tur lugar banda dje catedral den bista. Nan ta admisi oersonanan cu tin un pas special den e edificio.

Banda di 11.41 ora local e comitiva funebre a drenta den marcha. Senjora Kennedy tabata cana meimei di dos ruman homber, dje presidente tras dje rueda di canon, tras dje dje ta sigui presidente Johnson cu su esposa, sigui pa huespednan di stranheria.

Despues a sigui miembronan di Congreso y funcionarianan Mericano di Gobierno. A serra e comitiva aki un gran multitud di civilnan Mericano. Den silencio cu ta reina tur caminda por a tende solamente cada diez segundo sla di e oloshi dje catedral y sonido di pasonan. Banda di 11.57 e rueda di canon cu e caha di morto a para dilanti catedral.

Senjora Kennedy, sera kende nan a reuni su dos yunan, a worde ricibi den porta principal dje catedral na cardinal Cushing foi Boston, un amigo di familia Kennedy. Despues el a drenta misa, sigui pa su familia, danarianan di exterior, cu general De Gaulle, la Reina Frederika di Grecia y Rey Boudewijn di Belica. Banda di 12.13 ora local, nan a carga caha cu presidente drenta misa. E misa pontifical celebra pa cardenal Cushing a cuminsa algun minuut despues.

Cardenal a laga sa, cu nan no a eseege un misa mayo pontifical pa asina evita familia Kennedy di resisti un prueba asina largu. Como un parti di medidanan extenso di seguridad tabatin riba dak dje edificio sera dje catedral polisanan.

Na e cementerio nacional Arlington, ultimo lugar di sosiego di presidente Kennedy, tin grafanan di heroonan Mericano desconoci di guerra.

Presidente Kennedy ta e segundo presidente cu ta worde derra eyan ya cu na anja 1930 presidente William Howard Taft a worde derra na mesun cementerio.

Cardenal Cushing, kende a dirigi e entierro, a bisa cu e decision pa derra

defuntu presidente Kennedy na Arlington a worde tuma pa duna su familia mas menos molestia posibel.

E entierro lo por a tuma lugar te mahan si Kennedy a worde derra banda di su yiu homber Patrick na Brookline, Massachusetts pa e mesun motibu no tabatin misa pontifical pero solamente un sacrificio normal di misa.

Na e santana un peloton di 27 militar Irlandes a forma na e graf. E militar nan cu anteyera nochí a yega Washington, tabata simboliza e lazonan estrecho di e presidente defunto cu e pais di su antepasadonan. Nan a bini Merca riba peticon especial di senjora Kennedy. Un guardia di honor, consistiendo di renescantenan di tur departamentu di forzanan militar di Merca, a presenta scomet, despues di cual e cuerno musical a toca „The Star Spangled Banner“, himno nacional di Merca. Despues tocador nan di doedelzak a toca e canica tristu „The Mist over the Mountain“, mientras cu e slinpedraeranan — o ch militar — a hisa e caha for di e alfuit y hibe na e graf.

Cineunta avion cazador a nasa sigui na e avion presidencial, den e di dieziete y ultima formacion — e avionnan a pasa den formacion di V y tres hunti — e avion na cabez no tabata presente, simbolizando asina perdida di un lider.

Ora cu e caha a worde colora riba e graf, e cargadonan a tene e bandera Mericano riba die. Senjora Kennedy tabata ora banda di e minister di husticia, Robert Kennedy, kende for di morio di su esposo semper tabata na su lado.

Cardenal Cushing a bendiciona e graf y a lesa nos tata y otro oracionnan. Dies prome cu e caha a worde baha den e graf a sona 21 tiru di honor.

Mas o menos cuat'or ajera tardi ora Antillana nan a laga e caha baha den e graf. Cardenal Cushing a duna e ultima bendicion, y a bolbe lesa „Nos Tata“ y „Ave Maria“.

Un peloton di tiradoman di scotet a los tres salva, despues di cual un trompetista a sufla e tononan tristu di „Taps“ cu na Merca ta worde toca hopi biaha na lugar di „The Last Post“. Un cuerpo musical a toca e himno di marina „Eternal Father, Strong to Save“, mientras cu bandera Mericano, cu tur e ora ey tabata worde carga riba e caha, a worde dobla. E bandera presidencial hlawu a worde entrega na Senjora Kennedy, kende a sende un vlam eterno.



E rotonde di Capitolio na Washington. Aki miles di Mericano a trece un ultimo saludo ayera na difunto presidente Kennedy. E restonan mortal di Kennedy a worde hiba Capitolio diadomingo atardi. (Foto USIS).

BO HOROSCOPO PERSONAL

ARIES
21 Maart — 20 April



No perde curashi si un decision ta tuma tempu. Tampoco awe bo mester preocupa dinas y spera kiko lo para.

TAURUS
21 April — 20 Mei



Tene pasenshi si otronan ta reaccionar menos agradable. Bo actitud lo worde aprecia, pero sey ta bini despues.

GEMINI
21 Mei — 20 Jun



Acevro ta cal riba bo relacionnan bieuw y hendenan alicha. Mantene contacto door di correspondencia.

CANCER
21 Jun — 22 Jul



Toma bo tempu si bo mester solucionar alcu complicacion, cu eficiencia bo ta jega leuw. Acepta un compromiso si tin desunion.

LEO
23 Jul — 22 Augustus



Bai poco poco awe y tene pasenshi si cos ta bai malu. Majan ta un otro dia, no tin nodi pa forza nada.

VIRGO
23 Augustus — 22 September



Tene un bista riba bo finanzas y no span'a pa bisi NO. Problemanan bieuw por sali dilanti atrobe, tene cuidao.

LIBRA
23 September — 23 October



Actualmente planetanan ta na bo banda. Bo por inicia cos y gana aprecio y carino di otronan.

SCORPIO
23 October — 22 November



Probablemente bo lo tin mester di acepta responsabilidadnan nobo y ven e problemanan. No laga otronan guia bo, hacie bo mes.

SAGITARIUS
23 November — 21 December



Si bo pensa cu bo no por cu un asunto bo so, anio bo mester busca ayudo awor. Pero busca e persona correcto pa esey.

CAPRICORNUS
22 December — 19 Januari




Awe ta e dia pa coge e frutanan di bo pasenshi. Tin bon aspeccion pa logra resultado cu bo a prepara, actua rapido.

ACUARIUS
20 Januari — 18 Februari



Un dia excelente pa viahe, bishita, planan di futuro. Un amigu bieuw por bishita bo atrobe.

PISCES
19 Februari — 20 Maart



Awe ta un dia favorable pa asuntunan financiero. Bo por tuma poco chens. Percura pa otronan paga nan parti si tin mester.

Dos Hulandes cerca cuerpo di observacion di N.U.

DEN HAAG, 26 november. — Ministerio di asuntunan exterior a participa cu gobierno Hulandes riba peticon di secretario general di Nacionnan Uni, a pone dos oficial temporalmente na disposicion pa actua como observador den e cuerpo di observacion di Nacionnan uni na Jemen. Ta trata di majornan di marinier A. J. Kneegmans y A. van der Boon. Nan lo sali mas lihe posibel pa nan puesto nobo na Jemen.

BUCHI ROBEZ

presenta pa cortesia di REFRESQUERIA INGRID

TEL 1849

★ e mehor adres pa snacks, tur clase di dushi, softdrinks, ice-cream y revistas

